



Služba za opću upravu, društvene djelatnosti
i zajedničke poslove

Broj: 03-34-2-2578-1/25
Hadžići, 25.02.2025. godine

Na osnovu Budžeta Općine Hadžići za 2025. Godinu broj 01-02-15508/2024. od 30.12.2024.godine i Odluke o izvršavanju budžeta Općine Hadžići za 2025.godinu, broj 01-02-15509/2024., od 30.12.2024. godine ("Službene novine Kantona Sarajevo" broj 02/25), člana 4. Pravilnika o sufinansiranju troškova trećeg ciklusa studija i troškova specijalizacije iz zdravstvenih oblasti broj 02-34-2-1567/25., od 31.01.2025. godine i Odluke o raspisivanju javnog poziva za sufinansiranje troškova trećeg ciklusa studija i troškova specijalizacije iz zdravstvenih oblasti broj 03-34-2-2578/25 od 25.02.2025. godine, putem Službe za opću upravu, društvene djelatnosti i zajedničke poslove Općinski načelnik objavljuje

JAVNI POZIV
za dodjelu sredstava za sufinansiranje troškova trećeg ciklusa studija i troškova
specijalizacije iz zdravstvenih oblasti

I

Budžetom Općine Hadžići za 2025. godinu Hadžići broj 01-02-15508/2024 od 30.12.2024. godine ("Službene novine Kantona Sarajevo" broj 02/25) planirana su sredstva u visini od 20.000,00 KM za sufinansiranje troškova trećeg ciklusa studija i troškova specijalizacije iz zdravstvenih oblasti.

Iznos sredstava koji studentu trećeg ciklusa studija ili specijalizantu može biti odobren na ime troškova iz prethodnog stava je do 2.000,00 KM.

II

Pravo na dodjelu sredstava imaju studenti trećeg ciklusa studija i specijalizanti iz zdravstvenih oblasti kojima je odobrena specijalizacija na lični zahtjev i koji ispunjavaju sljedeće uslove:

- da su državljani Bosne i Hercegovine,
- da je tokom drugog ciklusa studija (master/magistarski studij), odnosno prije odobrenja specijalizacije u trajanju od najmanje tri godine imao prebivalište na području Općine Hadžići i da u vrijeme objavljivanja javnog poziva ima prebivalište na području Općine Hadžići,
- da je student trećeg ciklusa studija na jednom od univerziteta u Kantonu Sarajevo, odnosno specijalizant u jednoj od zdravstvenih ustanova u Kantonu Sarajevo kojem je odobrena specijalizacija na lični zahtjev,
- da je prvi put upisan na odgovarajuću godinu trećeg ciklusa studija (da ne obnavlja godinu).

III

Prijava na javni poziv se podnosi na prijavnom obrascu koji se može preuzeti u pisarnici ili na oficijelnoj web stranici Općine Hadžići.

Uz prijavni obrazac potrebno je priložiti sljedeću dokumentaciju (original ili ovjerene fotokopije):

- potvrdu o prebivalištu (CIPS-ova prijava),
- uvjerenje o državljanstvu ne starije od šest mjeseci,
- uvjerenje o kretanju,
- diplomu o završenom master/magistarskom studiju, odnosno studiju prije specijalističkog staža,
- uvjerenje da je kandidat upisan prvi put na odgovarajuću godinu trećeg ciklusa studija,
- uvjerenje zdravstvene ustanove da kandidat obavlja specijalistički staž na lični zahtjev.

IV

Krajnji rok za podnošenje prijava sa potrebnom dokumentacijom je petnaest dana od dana objavljivanja na oglasnoj ploči i oficijelnoj web stranici Općine Hadžići.

Dokumentacija sa popunjenim prijavnim listom se predaje na pisarnicu Općine Hadžići, ulica Hadželi broj 114, svakim radnim danom od 08,00 do 16,00 sati i ista se neće vraćati.

Nepotpune i neblagovremene prijave se neće razmatrati.

Sve dodatne informacije se mogu dobiti u Općini Hadžići, kancelarija br. 102 ili putem telefona 033 475 906.

DOSTAVLJENO:

1. Služba kabineta Općinskog načelnika,
2. Oglasna ploča Općine Hadžići,
2. A r h i v a, -

OPĆINSKI NAČELNIK

Eldar Čomor, prof.

Akt pripremio: Šefkija Džeko

Akt pregledao: Aziz Đozo